

**Tarnimikkut nappaatilinnik nammineersinnaajunnaarsitsineq allatigullu  
pinngitsaaliisummik iliuuseqarneq pillugu Inatsisartut Inatsisissaattut siunnersuut nr. x  
2013-imeersoq.**

**Kapitali 1**  
*Inatsisip atuuffia*

**§ 1.**

Tarnimikkut nappaatilinnik napparsimavimmuit unitsitsineq- uninnganerup nalaanni katsorsartinnermilu nammineersinnaajunnaarsitsineq allatigullu pinngitsaaliisummik iliuuseqarneq, taamaallaat Dronning Ingridip Napparsimavissuani tarnimikkut nappaatilinnut immikkoortortaqarfimmi- inatsimmi matumani maleruagassat naapertorlugit- pisinnaavoq.

Imm. 2. Pinngitsaaliisummik unitsitsineq imm. 1 apeqquataatinnagu sinerissami peqqinnissaqarfip immikkoortuini aallartinneqarsinnaavoq. Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup nakorsaq unitsitsisoq isumasioreerlugu unitsitsinissaq aalajangiivigissavaa. Nalinginnaasumik angallannikkut pissutsit ajoqusiinngippata, pinngitsaaliisummik unitsitsinerup kingorna nal. ak. 48-it qaangiutsinnagit napparsimasoq Dronning Ingridip Napparsimavissuanut nuunneqassaaq. Kapitali 6-imi pinngitsaaliinikkut iliuuserisinnaasatut taaneqartut, pinngitsaaliisummik unitsitsinermi atoorneqarsinnaapput.

**§ 2.** Pinngitsaaliinikkut iliuuseqarneq- inatsit una naapertorlugu- paassisutisseereernikkut akuersisitseqqaarani iliuuseqarnertut paasineqassaaq, napparsimasut inatsisitigut inisisimanerat pillugu Inatsisartut peqqussutaanni kapitali 2 takuuk.

Imm. 2. Napparsimasut 15 inorlugit ukiullit imal. paassisutissinneqareernikkut akuersisinnaassuseqanngitsut, inatsit una tunngavigalugu makku pitsaaliorniarlugit ingerlaannaq iliuuseqarnissaq pisariaqarpat, angajoqqaatut oqartussaasumit, sinniisuutitamit imal. ilaqtutanit qaniginerusanit akuersisummik piniartoqqaassanngilaq:

- 1) imminut allanilluunniit timikkut peqqisutsikkulluunniit ajoqusiineq imal.
- 2) annikigisassaanngitsumik aserorterineq.

Imm. 3. Tamatumta kingorna angajoqqaatut akisussaassuseqartoq, sinniisuutitaq ilaqtuttaluunniit qaniginerusat ilisimatinneqassapput.

Imm. 4. Napparsimasunut 15-it 18-illu akornanni ukiulinnut, isummerfiginninnerup kingunerisinnaasaanik paasinnissinnaassuseqanngitsutut peqqinnissakkut sullissisumit immikkut naliliivigineqartunut, napparsimasut pisinnaatitaaffii pillugit Inatsisartut peqqussutaat § 8 imm. 2 -3-lu aamma atuupput.

**Kapitali 2**  
*Aalajangersakkat nalinginnaasut*

**§ 3.** Peqqinnissaqarfiup immikkoortuisa arlaannut unitsitsineq, uninnganeq katsorsaanerlu sapinggisamik napparsimasup nammineq piumassusaa naapertorlugu piissapput.

*Imm. 2.* Unitsinsinermut-, uninnganermut-, katsorsaanermilu siunertaq- taamatullu peqqissinerusinnaanerup ilimanaatigisinnaasaa pillugu, nakorsap napparsimasoq paasissutississavaa.

*Imm. 3.* Immikkoortortamut unittut tamarmik katsorsartinnissaasa pilersaarusruneqartarnissa, pilersaarutit suunerinik ilitsersorneqarnissaat kiisalu pilersaarutip piviusunngortinnissaanut tamatigut akuersisinniarnissaat, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup akisussaaffigaa.

*Imm. 4.* Katsorsaanermut pilersaarutit nutartertuagassaapput tamatigullu katsorsaanerit suut ingerlanneqarnerinut, kiisalu katsorsaanermi anguniagassatut suut siunniunneqarnerinut takussutissaassallutik.

*Imm. 5.* Katsorsagassaq akerliliinngippat, katsorsaanermut pilersaarutip assilinera, inuttaanut tunniunneqassaaq.

**§ 4.** Napparsimasup nammineq piumassutsi naapertorlugu peqataanissa sapinngisaq tamaat anguniaqqaarlugu aatsaat pinngitsaaliisummik iliuuseqartoqarsinnaavoq. Periarfissaqarpat napparsimasoq naammaginartumik piffissalerlugu eqqarsarfissinneqassaaq.

*Imm. 2.* Pinngitsaaliilluni iliuuseqarneq anguniagaasumut naapertuutuussaaq. Annikinnerusumik iliuuseqartoqarsinnaappat taanna toqqarneqassaaq.

*Imm. 3.* Pinngitsaaliineq sapinngisaq tamaat qajassuartumik napparsimasumullu innarliinertaqanngitsumik ajoqsiinertaqanngitsumillu ingerlanneqassaaq.

*Imm. 4.* Pinngitsaaliineq siunertarisaq anguniarlugu pisariaqartitsinermit annertunerusumik atorneqassanngilaq.

### Kapitali 3

*Nammineersinnaajunnaarsitsineq*

*Aalajangersakkat nalinginnaasut*

**§ 5.** Napparsimasoq tarnimigut nappaateqarpat imal. tamatumunnga assingulluinnartumik ersiuteqarpat, katsorsartinnissaalu siunertaralugu nammineersinnaajunnaarsitsinnginnej illersorneqarsinnaanngippat aatsaat, §§ 6-8 naapertorlugit pinngitsaaliisummik unitsitsisoqarsinnaavoq imal. § 9 naapertorlugu tigummigallagassanngortitsisoqarsinnavoq makku pissutigalugit:

1) ajorunnaarsinnaanerup imal. annertuumik pingaarutilimmillu nappaatip pitsanngoriaateqarsinnaanera akornuserneqangaatsiarsinnaappat imal.

2) napparsimasoq imminut allanilluunniit annertuumik navianartorsiortitsisinhaappat.

### *Pinngitsaaliisummik unitsitsineq*

**§ 6.** Napparsimasup tarnimigut nappaateqarsorinartup nammineq katsorsartinnissi isumaginngippagu, qanigisaasut peqqinnissaqarfimmut attaveqarnissaq pisussaaffigaat. Qanigisaasut peqqinnissaqarfimmut attaveqanngippata politiit taamaasiornissamut pisussaaffeqarput.

*Imm. 2.* Nakorsap tarnimikkut nappaatilinnut immikkoortortaqarfimmut unitsitaanissap pisariaqassusaa, misissuineq paasissutissallu pissarsiarineqartut tunngavigalugit naliliivigissavaa. Napparsimasoq paasissutissinneqarnikkut unitsitaanissamut akuersissuteqanngippat, pinngitsaaliisummik unitsitaanissap pisariaqassusaa nakorsamit aalajangiivigneqassaaq.

*Imm. 3.* § 5-imi piumasaqaatit eqquutsinneqarpata pinngitsaaliisummik unitsitsisoqassaaq. § 7 imm. 2 naapertorlugu nakorsaq upternarsaasiussaaq.

**§ 7.** Pinngitsaaliisummik unitsitsinissaq pillugu politiit aalajangersaallutillu ikuutissapput.

*Imm. 2.* Unitsitsinissaq siunertaralugu nakorsap nammineq misissuineranut atatillugu upternarsaat tunngavigalugu, aatsaat pinngitsaaliisummik unitsitsisoqassaaq. Uppernarsaat nakorsamit- Dronning Ingridip Napparsimavissuani tarnimikkut nappaatilinnut immikkoortortaqarfimmi pinngitsaaliisummik unitsitaaffissami atorfilimmit- suliaassangilaq. Taamatuttaaq nakorsaq nammineq soqutigisat pissutigalugit aalajangeeqataasinnaanngitsoq upternarsaasiortuussangilaq. Nammineq soqutigisat pissutigalugit aalajangeeqataasinnaannginneq pisortat ingerlatsineranni suliassat suliarineqartarnerat pillugu Inatsimmi § 3-mi aalajangersakkut atuuppoq.

*Imm. 3.* § 5 nr. 2 naapertorlugu pinngitsaaliisummik unitsitsineq, ullup unnuallu ataatsip ingerlanerani nakorsap misissuisimaneranik tunngaveqassaaq, § 5 nr. 1-ilu naapertorlugu pinngitsaaliisummik unitsitsineq, sapaatip akunnerata kingulliup ingerlanerani misissuinerrik tunngaveqassalluni.

**§ 8.** § 5 nr. 2 naapertorlugu pinngitsaaliisummik unitsitsinermi napparsimasoq ingerlaannaq peqqinnissaqarfimmit unitsinneqasaaq. § 5 nr. 1 naapertorlugu- § 7 imm. 3-mi taaneqartut-sapaatip akunnera ataaseq piffissaliussap iluani piaernerpaamik pinngitsaaliisummik unitsitsisoqassaaq.

*Imm. 2.* Pinngitsaaliisummik unitsitsinissamut piumasaqaatit eqquutsinneqarnerat, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup aalajangiivigissavaa.

*Imm. 3.* Kalaallit Nunaanni politimesterip Qallunaat Nunaannilu Inatsisinik Atuutsitsinermut Ministereqarfiup akuersisinnerisigut, pinngitsaaliisummik unitsitsinissamut atatillugu politiit peqataanissaat, Naalakkersuisut immikkut maleruagassiuutissavaat.

## *Tigummigallagassanngortitsineq*

**§ 9.** Nakorsaanerup § 5-imi aalajangersakkat eqquutsinnejarsorippagit, Dronning Ingridip Napparsimavissuani tarnimikkut nappaatilinnut immikkoortortaqarfimmi uninngasumik pinngitsaaliisummik tigummigallagassanngortitsisoqarsinnaavoq.

*Imm. 2.* Tarnimikkut nappaatilinnut immikkoortortaqarfimmi uninngasoq paasissutissinneqarnikkut akuersissuteqanngitsoq, immikkoortortamut matoqqasumut nunatta avataaniittumut nuunneqassappat, pinngitsaaliinikkut tigummigallagassanngortitsinermut atatillugu aalajangersakkat tunngavigineqassapput.

*Imm. 3.* Dronning Ingridip Napparsimavissuani tarnimikkut nappaatilinnut immikkoortortaqarfimmi uninngasumit angerlarnissaq noqqaassutigineqarpat, noqqaassuteqarnermiit piaernerpaamik kingusinnerpaamillu nal. ak. 24 it qaangiutsinnagit angerlartitaasinnaaneq imal. pinngitsaaliisummik tigummigallagassanngortinnejarnissaq pillugu, napparsimasoq nakorsaanermit nalunaarfigineqassaaq. Dronning Ingridip Napparsimavissuani tarnimikkut nappaatilinnut immikkoortortaqarfimmum pinngitsaaliisummik unitsitaanermiit imal. § 1 imm. 2 naapertorlugu unitsitaanermiit ullup unnuallu ataatsip ingerlanerani angerlartitaanissaq noqqaassutaappat, pinngitsaaliisummik unitsitaanermiit nal. ak. 48-it qaangiutsinnagit, nakorsaanerup aalajangiuussaa napparsimasumut nalunaarutigineqassaaq. §§ 30-37 naapertorlugit napparsimasumut siunnersorti qinnuteqartuuppat taannattaaq ilisimatinneqassaaq.

## *Takkutinngitsoortunik/qimaasunik pinngitsaaliisummik utertitsineq*

**§ 10.** § 1 imm. 2 naapertorlugu pinngitsaaliisummik unitsitaq tigummigallagassanngortitarluunniit, Dronning Ingridip Napparsimavissuani tarnimikkut nappaatilinnut immikkoortortaqarfimmuiit sinerissamiluunniit peqqinnissaqarfip immikkoortuisa arlaanniit qimaasimappat namminerlu piumassutsiminik utersimanngippat, politiit ikorsiullugit utertinnejarnissa, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup aalajangivigisinnaavaa.

Takkutinngitsoornerup paasineqarneraniit sapaatip akunnera qaangiutsinnagu utertitsisoqarsinnaavoq. Pineqartoq anisinjaatitaanerminut atatillugu takkutinngitsoorpat, unnuinerit pingasut sinnerneqannginnissaannik akuersissuteqartoqarsimanissa pinngitsaaliisummik utertitsinissamut piumasaqataavortaaq.

*Imm. 2.* Kalaallit Nunaanni politimesterip Qallunaat Nunaannilu Inatsisinik Atuutsitsinermut Ministereqarfipakuersisinnerisigut, pinngitsaaliisummik utertitsinissamut atatillugu politiit peqataanissaat, Naalakkersuisut immikkut maleruagassiuussinnaavaat.

*Nammineersinnaajunnaarsitsinerup atorunnaarsinnejnarnera*

**§ 11.** § 5 naapertorlugu piumasaqaataasut eqquutsinneqarsinnaajunnaarpata, nammineersinnaajunnaarsitsineq ingerlaannaq atorunnaarsinnejnassaaq. Napparsimasoq napparsimasumullu siunnersortaasoq ingerlaannaq tamatuminnga ilisimatinnejnassapput.

**Kapitali 4**  
*Pinngitsaaliissummik iliuuseqarneq*

**§ 12.** § 9 naapertorlugu pinngitsaaliissummik tigummigallagassanngortitaanissamut piumasaqaatit equutsinneqarpata aatsaat pinngitsaaliissummik iliuuseqartoqarsinnaavoq.

*Imm. 2.* Pinngitsaaliissummik nakorsaatitortitsinermi nakorsaatit misilerarneqareersut nalinginnaasumik annertussusilikkat annikinnerpaanillu kingunerluutitallit atorneqassapput.

*Imm. 3.* Pinngitsaaliissummik iliuuseqarneq taamaallaat Dronning Ingridip Napparsimavissuani pisinnaavoq.

*Imm. 4.* Imm. 1-imi piumasaqaatit equutsinneqarpata napparsimasullu inuunera navianartorsiortpat navianartorsiortinnejnqalersinnaappalluunniit aatsaat pinngitsaaliissummik qupinnguallatsitsilluni katsorsaasoqarsinnaavoq.

*Imm. 5.* Pinngitsaaliissummik iliuuseqarnissaq Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanermi aalajangiivigineqassaaq. Katsorsaaniarnermut atatillugu pisariaqartinneqassappat napparsimasup qanoq annertutigisumik nukersorfigineqartariaqarnissa, nakorsaaneruttaaq aalajangiivigisinnaavaa.

*Imm. 6.* Imm 4 naapertorlugu pinngitsaaliissummik iliuuseqartoqarnissaq pillugu nakorsaanerup aalajangiinissa sioqqullugu, napparsimasoq akuersissuteqarnissamut naammaginartumik piffissalerlugu eqqarsarfissinneqassaaq. Naammattumik- ullulli pingasut sinnernagit napparsimasoq eqqarsarfissinneqassaaq.

*Imm. 7.* Aalajangersagaq naapertorlugu Naalakkersuisut pinngitsaaliissummik iliuuseqarneq pillugu immikkut maleruagassiussapput.

**§ 13.** § 5 naapertorlugu nammineersinnaajunnaarsitsisinnaanermut piumasaqaatit equutsinneqarpata, napparsimasorlu inuunera peqqissusaaluunniit nappaammit annertuumik navianartorsiortinnejqartoq, paassisutissinneqarnikkut timikkut nappaammi nakorsaneqarnissaanut akuersissuteqanngippat, pinngitsaaliissummik nakorsarneqarsinnaavoq. Napparsimasoq Dronning Ingridip Napparsimavissuani tarnimikkut nappaatilinnut immikkoortortaqarfimmi uninnganngippat, aalajangersagaq naapertorlugu pinngitsaaliissummik nakorsaasoqartinnagu, § 6 imm. 3 naapertorlugu pinngitsaaliissummik unitsitaanissamut upfernarsaasiortoqqaarnissa, tarnimikkullu nappaatillit immikkoortortaqarfianni nakorsaanerup § 8 imm. 2 naapertorlugu pinngitsaaliissummik unitsitsinissamut piumasaqaatit equutsinneqarnerannik aalajangiinissa, piumasaqaataapput.

*Imm. 2.* Imm. 1-imni taaneqartutut pinngitsaaliisummik iliuuseqarnissaq, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaaneq isumasioqatigereerlugu, timikkut nappaatinut immikkoortortaqarfimmi pineqartumi nakorsaanermit aalajangiivigneqassaaq. Pisariaqassappat nakorsartinneq timikkut nappaatilinnut immikkoortortaqarfimmi ingerlanneqarsinnaavoq.

*Imm. 3.* Aalajangersagaq naapertorlugu pinngitsaaliisummik nakorsaaneq pillugu Naalakkersuisut immikkut maleruagassiussapput.

## Kapitel 5

### *Angerlartitsinermut atatillugu malittarinninneq*

**§ 14.** Napparsimasut angerlartitaanermik kingorna peqqissutsimut pisariaqaatilimmik, namminneq piumassusertik naapertorlugu katsorsartinnissamik inunnilluunniit isumaginninnikkut ikiorserneqarnissamik noqqaassuseqarsinnaasorinngisat, napparsimasup, tarnimikkut nappaatilinnut immikkoortortaqarfip kisalu pisortaqarfifit sullissinissamut naapertuuttut, peqqinnissakkut sullisisut allallu akunnerminni katsorsaanikkut isumaginninnikkullu neqeroorutit pillugit isumaqtigiissusiornissaat, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup akisussaaffigaa.

*Imm. 2.* Angerlartitaanermut atatillugu isumaqtigiissutinik nalunaarsuinissaq Nunatsinnilu Nakorsaanermut nalunaarutiginnittarnissaq Naalakkersuisunit maleruagassiunneqassaaq. Nalunaarutiginnittarnermut atatillugu napparsimasup kinaassusaata ilangunneqartarnissaa pillugu Naalakkersuisut maleruagassiorsinnaapput.

**§ 15.** Napparsimasoq § 14 –mi aalajangersakkut naapertorlugit pineqartoq, angerlartitaanermut atatillugu isumaqtigiissusioqataajumanngippat, tarnimikkut nappaatilinnut immikkoortortaqarfip- pisortaqarfifit sullissinissamut naapertuuttut, peqqinnissakkut sullisisut taamaaqataalu suleqatigalugit- peqqinnissakkut isumaginninnikkullu neqeroorutinik ataqtigiissaarakalutik napparsimasup pilersaarusiunnissaa, nakorsaanerup akisussaaffigaa.

*Imm. 2.* Pilersaarusanik ataqtigiissaakkankalutik nalaarsuinissaq Nunatsinnilu Nakorsaanermut nalunaarutiginnittarnissaq pillugu Naalakkersuisut maleruagassiussapput. Nalunaarutiginnittarnermut atatillugu napparsimasup kinaassusaata ilangunneqartarnissaa pillugu Naalakkersuisut maleruagassiorsinnaapput.

**§ 16.** Paasissutissanik ingerlatsitseqqinnejingit angerlartitaanermut atatillugu isumaqtigiissutit ataqtigiissaakkamilluunniit pilersaarusiap equuutsinnejarneranik nakkutilliinermut atatillugu pisariaqartutut isigineqarpat, tarnimikkut nappaatilinnut immikkoortortaqarfik paasissutissanik napparsimasup inuttut inuuneranut tunngasunik pisortaqarfinnut, peqqinnissakkut sullisisunut

taamaaqataannullu ingerlatitseqqissinnaavoq. Taamatuttaaq pisortaqarfiit, peqqinnissakkut sullisisut assigisaallu paasissutissanik napparsimasup inuttut inuuneranut tunngasunik, tarnimikkut nappaatilinnut immikkoortortaqarfimmut, pisortaqarfinnut allanut, peqqinnissakkut sullisisunut assigisaannullu ingerlatitseqqissinnaapput.

**§ 17.** Angerlartitaanerup kingorna katsorsartinnermik peqqissutsip attatsiinnarnissaanut pisariaqartumik napparsimasup taamaatsitsinissa tunngavissalimmik ernumanaateqartoq ilimanaateqarluinnartorlu uninnganerup nalaani paasinarsippat, kiisalu:

- 1) uninnganeq sioqqullugu ukiut pingasut kingullit ingerlaneranni napparsimasoq pinngitsaaliisummik unitsitaasimappat pinngitsaaliisummilluunniit tigummigallagassanngortitaasimappat
- 2) uninnganeq sioqqullugu ukiut pingasut kingullit ingerlanerini, napparsimasup minnerpaamik ataasiarluni angerlartitaanermut atatillugu isumaqatigiisummi pilersaarummiluunniit ataqatigiissaakkami katsorsartinnissamut pilersaarutaasumik malinnissimannngippat, kiisalu
- 3) napparsimasoq pinngitsaaliisummik unitsitaasimappat pinngitsaaliisummilluunniit tigummigallagassanngortitaasimappat

napparsimasup angerlartinneqannginnerani pinngitsaaliisummik malittarinninnissaq, Dronning Ingridip Napparsimavissuani nakorsaanerup aalajangiivigisinnaavaa.

*Imm. 2.* Angerlartitaanermut atatillugu pinngitsaaliisummik malittarinninnissaq pillugu nakorsaanerup aalajangiinera, peqqinnissaqarfiup immikkoortuisa arlaannut ornigunnikkut nakorsaatitortsinneqarnissaannarmik piumasaqaateqarfiusinnaavoq.

*Imm. 3.* Napparsimasoq nakorsaatitortassaq takkutinngitsoorpat politiit ikiortigalugit aaneqarnissaq pinngitsaaliisummillu peqqinnissaqarfiup immikkoortuisa arlaanni nakorsaatitortinneqarnissaq, nakorsaanerup aalajangiivigisinnaavaa. Napparsimasumik aallerneremi sapinngisaq tamaat peqqinnissakkut sullissisumik peqataasoqassaaq.

*Imm. 4.* Angerlartitaanermut atatillugu pinngitsaaliisummik malittarinnilluni nakorsaasiinermi, nakorsaatit napparsimasumut qanoq sunniuteqarneri nakorsaanermiit ilisimaneqartut- pisariaqarpallu sivisuumik sunniusimasinnaasut atorneqassapput.

*Imm. 5.* Angerlartitaanermut atatillugu pinngitsaaliisummik malittarinninnissamik aalajangiineq angerlartitaareernerup kingorna qaammatini pingasuni atuutsinnejqarsinnaavoq.

*Imm. 6.* Napparsimasup imm. 5 naapertorlugu qaammatit pingasut killiliussat qaangiunneranni, piqqissutsiminut pingaarutilimmik katsorsartinnerminik taamaatitsinissaanut annilaanngateqarnissaq taamalu pisoqarsinnaaneranik ilimasuuteqarnissaq tunngavissaqarpat, angerlareerneremi pinngitsaaliisummik malittarinninnerup qaammatit pingasukkaarlugit, qaammatilli aqqaneq marluk sinnernagit sivitsorneqartarnissaa, nakorsaanerup aalajangiivigisinnaavaa.

**§ 18.** Napparsimavimmii angerlatitaanermut atatillugu pinngitsaaliisummik malittarinninnissaq, tassungalu atatillugu napparsimasumik nakorsaatitortinnejarnissamut nammineq piumassutsiminik takkutinngitsumik politiit aallersinnaanerat pillugu, Kalaallit Nunaanni politimesterip Qallunaat Nunaannilu Inatsisinik Atortitsinermut Ministereqarfiup akuersinerisigut- taamatuttaaq peqqinnissakkut sullissisumik peqataasoqarnissaa pillugu, Nalakkersuisut maleruagassiussapput.

## Kapitali 6

*Aalaakkiineq assigisaanillu iliuuseqarneq.*

### *Aalaakkiineq*

**§ 19.** Pinngitsaaliisummik aalaakkiinermi taamaallaat qitequt, singernernut aamma imal. paffinnut aalaakkiissutit aaqqatillu atorneqarsinnaapput.

*Imm. 2.* Pinngitsaaliilluni aalaakkiisoqarsinnaavoq makku pitsaaliornissaat pisariaqarpat:

- 1) napparsimasup nammineq allallu timaannik peqqissusaannillu ajoquisiisinnaanera ilimanaateqarluinnarpat,
- 2) napparsimasoq uninngaqamminik malersuippat allatulluunniit annertuumik ajoquusersuippaat imal.
- 3) annikigisassaanngitsumik aserorterippat.

**§ 20.** Nakorsap napparsimasumik takuniaareernermi kingorna pinngitsaaliisummik aalaakkiinissaq aalajangiivigissavaa.

*Imm. 2.* Qiterut atorlugu aalaakkiinerup saniatigut paffinnut aamma imal. singernernut aalaakkiissutit aaqqatillu atorneqarnissaat, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup aalajangiivigissavaa.

*Imm. 3.* Sinerissami peqqinnissaqarfiup immikkoortuisa arlaanni pinngitsaaliisummik aalaakkiineq nal. ak. aaqqaneq marluk sinnerlugit sivisussuseqassappat sivisussuseqassangatinneqarpalluunniit, aallaakkigaanerup sivitsorneqarnissaa, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup aalajangiivigissavaa.

*Imm. 4.* § 19-imi imm. 2 nr. 1-imi taaneqartutut pisoqarnerani nakorsap takkunnissaanut utaqquinissaq napparsimasumut allanulluunniit isumannaallisaaneq eqqarsaatigalugu illersorneqarsinnaanngippat, sulisut namminneq napparsimasoq qiteruserlugu aalaakkernissaa aalajangersinnaavaat. Taamaa pisoqarpat nakorsaq qiterusiilluni aalaakkiineq pillugu aalajangiisuusussaq ingerlaanndaq aggersarneqassaaq.

**§ 21.** Napparsimasoq qiteruserlugu aallaakkigaq immikkut nakkutilliisoqartinneqassaaq.

### *Nukersorfiginninneq*

**§ 22.** Napparsimasoq peqqinnissaqarfiup immikkoortuisa arlanni uninngasoq § 19 imm. 2-mi piumasaqaatit eqquutsinnejarpata, pinngitsaaliisummik aalaakkerneqarsinnaavoq pisariaqarpallu nukersorfigalugu sumiiffimmi immikkoortumut allamut nuutinneqarsinnaalluni. Napparsimasut kapitali 3 naapertorlugu nammineersinnaajunnaarsitaasimasut immikkoortortamiiginnarnissaat qulakteerniarlugu nukersorfigisariaqarsinnaapput.

*Imm. 2.* Napparsimasup nappaanni pissutigalugu eqqissiveeqisup pitsaanerulernissaanut aalajangiisuuppat- pisariaqarpat nukersornikkut- eqqissisaammik kapineqarnissaa nakorsap aalajangersinnaavaa.

### *Napparsimasumik illersuiniarluni aalaakkiineq*

**§ 23.** Napparsimasoq illersorniarlugiu aalaakkiineq tassaavoq qanorluunniit iliuuseqarnikkut napparsimasup piumassuserinngisamik imminut annertuumik navianartorsiortissinnaaneranik pitsaliuineq.

*Imm. 2.* Nakorsap napparsimasumik takuniaareerluni suna atorlugu aalaakkiisoqarnissaa aalaajangereerpagu aatsaat napparsimasumik illersuiniarluni aalaakkiisoqarsinnaavoq.

### *Immikkut nakkutilliineq immikkoortortamilu matunik parnaarsineq*

**§ 24.** Inatsit naapertorlugu immikkut nakkutilliineq tassaavoq sulisup ataatsip marluluunniit nappasimasumit nigoratik nakkutilliisinnejarnarat.

*Imm. 2.* Makku pitsaliniarlugit pisariaqarpat aatsaat napparsimasup akuersissutigisimanngisaanik immikkut nakkutilliisoqarsinnaavoq:

1) imminorneq imal. nammineq allalluunniit peqqissusaannik annertuumik ajoquisiisinnaaneq imal.

2) napparsimasoq uninngaqamminik malersuippat allatulluunniit annertuumik ajoquusersuippat

*Imm. 3.* Immikkut nakkutilliisoqarnissaa nakorsap napparsimasumik takusaareernerimi kingorna aalajangiivigissavaa.

**§ 25.** Napparsimasoq immikkoortortamut unitsinnejarnermini immikkoortortap aaqqissuussaaneranik- taamaattoqassappallu immikkut parnaarneqarsinnaasumik immikkoortortaqarnera ilanngullugu- ilisimatinneqassaaq.

**§ 26.** Napparsimasut inaannut matut pinnagit, immikkoortortami napparsimasunut makkununga matunik parnaarsinissaq nakorsamit aalajangiivigineqarsinnaavoq:

1) kapitali 3 naapertorlugu nammineersinnaajunnaarsitat kiisalu

2) napparsimasut § 23 naapertorlugu piumassuserinngisaminnik imminut annertuumik navianartorsiortissinnaasut.

*Imm. 2.* Napparsimasut inaannut matut pinnagit, napparsimasut imm. 1- imi pineqanngitsut namminneq kissaatigippassuk matunik parnaarsinissaq, nakorsap aalajangiivigisinhaavaatkaar. Napparsimasup kissataa naapertorlugu ingerlaannaq matut parnaarussaarniqassapput.

*Imm. 3.* Imm. 1 aamma 2 naapertorlugit matunik parnaarsinissaq aalajangiunneqarniarpat, napparsimasut immikkoortortami uninngasut tamarmik tamatuminnga kalerrinneqassapput.

### *Pinngitsaaliissummik timikkut eqqiluisaartitsineq*

**§ 27.** Tarnimigut nappaatilik nappaanni pissutigalugu timikkut eqqiarnissaminik isumaginnissinnaangnitsoq- napparsimasoq nammineq uninngaqataasut sulisulluunniit eqqarsaatigalugit pisariaqarpat- pinngitsaaliissummik eqqartsinnejarnissaa pillugu, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaaneq aalajangiisinhaavoq.

### *Pisinnaatitsineq pillugu aalajangersagaq*

**§ 28.** Pinngitsaaliissummik aalaakkiineq, nukersorfiginninneq, napparsimasoq illersorniarlugu aalaakkiineq, immikkut nakkutilliisoqartitsineq, immikkoortortami matunik parnaarsineq pinngitsaaliissummillu timikkut eqqartitsineq pillugu, Naalakkersuisut immikkut maleduagassiuussissapput

## **Kapitali 7**

*Allakanik, ininik napparsimasut uninngaviinik pigisaannillu misissuineq, timi satsillugu misissuineq pigisanillu arsaarinninneq suujunnaarsitsinerlu*

**§ 29.** Nakorsaatit, aanngajaarniutit atortulluunniit navianaatillit napparsimasumut apuunneqarsimannerannik apuunniarneqarnerannilluunniit tunngavissalimmik pasitsaassisooqartillugu, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup makku aalajangiivigisinhaavai:

- 1) napparsimasup allagarsiaasa/nassiuussarsiaasa ammarneqarlutik misissuivigineqarnissaat,
- 2) inip napparsimasup uninngaviata napparsimasullu pigisaasa misissorneqarnissaat imal.
- 3) napparsimasup timaa satsillugu misissorneqarnissaa. Timip ammarnisa misissorneqarnissaat inerteqqutaavoq.

*Imm. 2.* Napparsimasup allagarsiaasa/poortugarsiaasa, inip uninngaviata pigisaasalu misissorneqarnerini sapinngisamik napparsimasoq peqataatinneqassaaq.

*Imm. 3.* Nakorsaatit, aanngajaarniutit atortullu navianaatillit imm. 1 naapertorlugu iliuuseqarnermi nassaarineqartut arsaarinnissutaanissaat, nakorsaanermit aalajangiivigineqarsinnaavoq. Nakorsaatit, aanngajaarniutit atortullu navianaatillit inatsisit

nalinginnaasut unioqqutillugit pigineqarnersut, nakorsaanerup politiinut aalajangigassanngortissinnaavaa.

*Imm. 4. Allagarsianik/nassiussarsianik, ininik napparsimasut uninngaviinik pigisaannillu - napparsimasallu timaa satsillugu misissuisarneq kiisalu atortunik arsaarinnittarneq suujunnaarsitsisarnerlu pillugit, Naalakkersuisut immikkut maleruagaassiuussapput.*

## Kapitali 8

*Pinngitsaaliinernik nalunaarsuisussaatitaaneq pinngitsooranilu pinngitsaalisaat malinnaaffigalugit naliliinissaq*

**§ 30.** §§ 5-10 naapertorlugit pinngitsaaliinikkut iliuutsinik suugaluanik ilisimatitsineq, § 12, § 17 naapertorlugu napparsimavimmiit angerlartitamik pinngitsaaliisummik malittarinninneq, §§ 19 – 22, § 23 naapertorlugu iliuusissatut innersuussutit, § 24 naapertorlugu nal. ak. 24 sinnerlugit immikkut nakkutilliineq, kiisalu § 26 pinngitsaaliilluni iliuutsit suuneri tunngavilersuutaasallu immikkoortortami nalunaarsuivimmut nalunaarneqassapput.

*Imm. 2. Pinngitsaaliinikkut iliuutsinik nalunaarsuineq Nunatsinnilu Nakorsaanermut nalunaaruteqartarnissaq pillugu Naalakkersuisut immikkut maleruagassiuussapput.*

Tamatumunnga atatillugu nalunaarutit napparsimasup kinaassusaanik ilaqaqtinnejqarnissaat pillugu Naalakkersuisut maleruagassiorsinnaapput.

**§ 31.** Nammineersinnaajunnaarsitsinerup, pinngitsaaliisummik iliuuseqarnerup, angerlartitaareernermermi pinngitsaaliisummik malittarinninnerup, pinngitsaaliisummik aalaakkiinerup, nukersorfiginninnerup, napparsimasoq illersorniarlugu aalaakkiinerup, matunik parnaarsinerup, pinngitsaaliisummik timikkut eqqiqartitsinerup, allagarsianik/nassiussarsianik-napparsimasup inigisaanik pigisaanillu misissuinerup, timi satsillugu misissuinerup kiisalu nakorsaatinik allanillu arsaarinninnerup pisariaqartitamiit annertunerusumik atorneqannginnissaanik nakkutilliineq, Dronning Ingridip Napparsimavissuani tarnimikkut nappaatilinnut immikkoortortaqarfimmi nakorsaanerup pisussaaffigaa.

*Imm. 2. Nammineersinnaajunnaarsitsinerup naliliiviginissaanut atatillugu ullut pingasut, qulit, 20-it 30-illu qaangiunnerini tamatumalu kingorna akuttunerpaamik sap. ak. sisamat qaangiunnerini, nammineersinnaajunnaarsitsinerup atorunnaarsinnissaata tungaanut, piumasaqaatit eqquutsinneqarnerat nakorsaanerup nakkutigisassara. Naliliinerit taakku pinngitsaaliisummik iliuutsinut nalunaarsuivimmut ilanngunneqassapput.*

*Imm. 3. Nammineersinnaajunnaarsitsinerup attatiinnarnissaanik aalajangiineq pillugu napparsimasoq napparsimasumullu siunnersorti nalunaarfigineqassapput.*

*Imm. 4. Napparsimasoq illersorniarlugu aalaakkiinerup attatsiinnarnissa, pissutsit apeqqutaatillugit, akulikitsunik akuttunerpaamilli napparsimasumik illersuiniarluni aalaakkiinissap aalajangiunneqarneraniit ullut pingasut, qulit, 20-it 30-illu qaangiunnerini, tamatumalu kingorna sivitsorneqassappat, akuttunerpaamik sap. ak. sisamat qaangiunnerini nakorsaq nutaamik naliliissaq.*

*Imm. 5.* Pinngitsaaliisummik aalaakkiinerup attatsiinnarnissaa, pissutsit apeqqutaatsillugit, akulikitsumik akuttunerpaamilli ullup unnuallu ataatsip ingerlanerani, ataasiarluni nakorsamit nutaamik naliliivigineqassaaq.

## Kapitali 9

### *Napparsimasunut siunnersortit*

**§ 32.** Pinngitsaaliisummik unitsitat, tigummigallagassanngortitat, pinngitsaaliisummik katsorsakkat, angerlartinneqarnerminnut atatillugu malittarineqartut, pinngitsaaliisummik aalaakkikkat, nukersorfigisat, napparsimasoq illersorniarlugu aallaakkikkat, nal. ak. 24-it sinnerlugit immikkut nakutigisariallit kiisalu § 26 imm. 1 nr. 2 naapertorlugu immikkoortortami matut parnaarnerisigut mattunneqartut tamarmik siunnersorteqartinneqassapput.

*Imm. 2.* Peqqinnissaqarfiup immikkoortuisa arlaanni unitsitaanermut, uninnganermut katsorsartinnermullu tunngasut suulluunniit pillugit napparsimasunut siunnersorti napparsimasumut ilitsersuillunilu siunnersuisuussaaq. Napparsimasoq maalaaruteqarniarpat tamatuma suliaralugulu naammassineqarnissaanut siunnersorti ikuutissaaq. Napparsimasup maalaarutaata Tarnimikkut Nappaatillit Maalaarutaannik Aalajangiisartunit suliarineqarnerani, ajornanngippat siunnersorti peqataassaaq.

**§ 33.** Nunatta eqqartuussiviani eqartuussisoq qinnuteqartut akornanni napparsimasunut siunnersortissanik atorfinitssissaaq. Napparsimasunut siunnersortinngortut nalunaarsorsimaffiat, Dronning Ingridip Napparsimavissuani tarnimikkut nappaatilinnut immikkoortortaqarfimmut nassiunneqassaaq. Napparsimasunut siunnersortinngortut Nuummi najugaqartuussapput Dronning Ingridillu Napparsimavissuani atorfefeqartuussanatik.

*Imm. 2.* Pinngitsaaliisummik iliuuseqartoqarnerata siunnersortinngornerullu peqqissaasumit pigaartuusumit siunnersortinngortumut piaarnerpaamik nalunaarutigineqarnerisigut, siunnersortinngortitsisoqassaaq. Siunnersortinut nalunaarsuivimmi tullinnguuttoq napparsimasumut siunnesortinngortinnejassaaq.

*Imm. 3.* Siunnersortinngortsinniagaq pillugu oqaaseqaateqarnissamut napparsimasoq periarfissinneqassaaq. Nalunaarsuiffimmi allassimasumik allamik siunnersorteqarnissaq napparsimasup kissaatigippagu, sapingisaq naapertorlu kissaataa akuerineqassaaq. Aalajangiineq kredsdommerimut naammagittaallutiutigineqarsinnaavoq.

*Imm. 4.* Napparsimasunut siunnersortit nalunaarsorsimaffianni allassimanngitsumik siunnersorteqarnissi napparsimasup kissaatigippagu, imm. 2 naapertorlugu nalunaarsuiffimmi tullinnguuttoq utaqiisaasumik siunnersotinngortinnejassaaq. Napparsimasup toqqagaata siunnersortinngorsinnaanera kredsdommerip aalajangiivigissava. Napparsimasup kissaataa akornutissaqanngippat akuerineqassaaq.

**§ 34.** Napparsimasumut siunnersortinngortup napparsimasoq piaernerpaamik pulaassavaa attavigiuassallugulu. Napparsimasoq Dronning Ingridip Napparsimavissuaniippat, siunnersortinngornerup kingorna nal. ak. 24-it qaangiutsinnagit napparsimasoq siullermik pulaarneqassaaq. Napparsimasoq sinerissami peqqinnissaqarfip immikkoortuisa arlaanniikkallarpal siunnersortinngornermiit nal. ak. 24-it qaangiutsinnagit oqarasuaatikkut attavigineqassaaq. Tamatuma kingorna sapinngisamik sapaatip akunneranut ataasiarluni pisariaqartitsinerlu naapertorlugu pulaartoqartassaaq.

*Imm. 2.* Akeqanngitsumik akornuserneqarani lu nammineq takkunnikkut, allakkatigut oqarasuaatikkullu napparsimasumut attaveqarsinnaaneq, napparsimasunut siunnersortip pisinnaatitaaffigaa.

**§ 35.** Ilisimasariaqagaq sunaluunniit suliassap illorsorneqarsinnaasumik naammassineqarsinnaanissaanut pisariaqartoq, immikkoortortami/immikkoortumi sulisut napparsimasup siunnersortaanut ilisimatitsissutigissavaat. Nakorsamit napparsimasumut ilisimatitsissutaanngitsut taamatuttaaq napparsimasup siunnersortaannut ilisimatsitsissutaassanngillaat.

**§ 36.** Pinngitsaaliineq taamaatinneqarpat siunnersortaaneq aamma taamaatitinneqassaaq. Napparsimasorli tamanna sioqqullugu peqatigisaanilluunniit maalaaruteqarpat, siunnersortaa tamatumunnga ikuutissaaq.

**§ 37.** Napparsimasunut siunnersortinik atorfinitstsineq-, siunnersortissanngortitsinerq-, suliassaat-, pisinnaatitaaffii akissarsiaqartinneqarnerilu pilligit- Naalakkersuisut ersarinnerusunik maleruagassiussapput.

## Kapitali 10

*Ilisimatitsineq maalaaruteqarnissamut assigisaannullu ilitsersuineq.*

**§ 38.** Nammineersinnaajunnaarsitsinialersinnani allatullu pinngitsaaliissummik iliuuseqarnialersinnani, pinngitsaaliissutip suunera, qanoq ittuunera, suna tunngavigalugu taamaasiortoqartariaqarnera siunertaasorlu pilligit, napparsimasoq ilisimatinneqqaassaaq.

*Imm. 2.* Pisariaqarpat §§ 19-22 naapertorlugin ilisimatseqqaarani tassaanngaannaq pinngitsaaliissummik aalaakkiisoqarsinnaavoq nukersorfiginnitoqarsinnaallunilu. Tamatuma kingorna taamaasiortariaqarneq tunngavilersoneqassaaq.

**§ 39.** Pinngitsaaliissummik iliuuseqarfinginninnermut suugaluamut maalaarutiginnissinnaaneq pillugu, napparsimasoq ilitsersorneqassaaq.

*Imm. 2.* Pinngitsaaliisummik iliuuseqarnissap aalajangiunneqarnera pillugu maalaarutit, Tarnimikkut Nappaatillit Maalaarutaannik Aalajangiisartut naliliinissaasa tungaanut, pinngitsaaliisummik iliuuseqarnissamut kinguartitsissutaasinnaanngillat.

*Imm. 3.* Napparsimasulli inuunera peqqissusaaluunniit annertuumik ajoquserneqaqqunagu imal. napparsimasup nuit allat timaannik peqqissusaannillu ajoqusiisinnaanerata pitsaaliornissaanut pinngitsaaliisummik iliuuseqariataartoqartariaqanngippat, Tarnimikkut Nappaatillit Maalaarutaannik Aalajangiisartut naliliinissaasa tungaanut, Kapitali 4 naapertorlugu pinngitsaaliisummik iliuuseqarnissap aalajangiunneqarnera pillugu maalaaruteqarneq, pinngitsaaliilluni iliuuseqarniarnermut kinguartitsissutaasinnaavoq. § 17 naapertorlugu angerlartitaareernermermi pinngitsaaliisummik malittarineqarnissamik aalajangiinermut maalaaruteqarneq, pinngitsaaliilluni iliuuseqarniarnermut kinguartitsissutaasinnaavoq.

**§ 40.** Nalunaaruteqarneq- maalaaruteqarsinnaanermullu ilitsersuineq pillugit Naalakkersuisut ersarinnerusunik aalajangersaassapput.

## Kapitali 11

### *Maalaaruteqarsinnaaneq eqqartuuussivilersuussisinnaanerlu*

**§ 41.** Tarnimikkut Nappaatillit Maalaarutaannik Aalajangiisartunik taasamik, eqqartuuussuserisumik siulittaasoqartumik Nunatsinnilu Nakorsaanermit kiisalu napparsimasut ilaquaasullu peqatigiiffiannit tarnimikkut nappaatilinnut sinniisutitaasumik ilaasortaafigineqartumik, Peqqissutsimut Naalakkersuisoq pilersitsissaaq. Ilasortanuttaaq sinniisussanik Peqqissutsimut Naalakkersuisoq toqqaassaaq. Toqqagaaneq ukiuni sisamani atuutsissaaq. Toqqagaasimasunik toqqaqqittoqarsinnaavoq. Tarnimikkut Nappaatillit Maalaarutaannik Aalajangiisartut sulinerminni suliat ataasiakkaat suliarinissaannut aalajangiiviginissaannullu kiffaanngissuseqarput.

*Imm. 2.* Tarnimikkut Nappaatillit Maalaarutaannik Aalajangiisartut allatseqarnikkut Nunatsinni Nakorsaneqarfimmit isumagineqassapput. Aalajangiisartut sulinerannut atatillugu aningaasartuutit akissarsiaqartinneqarnerat ilanngullugu, Peqqissutsimut Naalakkersuisoqarfimmit isumagineqassaaq.

**§ 42.** Napparsimasup siunnersortaataluunniit piumasaqarneragut pinngitsaaliisummik unitsitsineq, pinngitsaaliisummik tigummigallagassangortitsineq, uninngavimmuit utinngitsoortumik pinngitsaaliisummik utertitsineq, pinngitsaaliisummik katsorsaaneq, § 17 naapertorlugu angerlartitaareersumik pinngitsaaliisummik malittarininnineq, nukersorfiginninneq, napparsimasoq illersorniarlugu pinngitsaaliisummik aalaakkiineq, nal. ak. 24-it sinnerlugit ataannartumik immikkut nakkutilliineq, matunillu parnaarsineq pillugu

maalaarutit, napparsimavimmi pisortanit Tarnimikkut Nappaatillit Maalaarutaannik Aalajangiisartunut ingerlateqqinnejassapput.

*Imm. 2.* Nammineersinnaajunnaarsitaanerup allatulluunniit pinngitsaaliisummik iliuuseqarfingineqarnerup atorunnaarsinneqarneraniit qaammatit arfinillit qaangiutsinnagit, iliuuseqarfinginnineq pillugu maalaarut, napparsimasumit siunnersortaanilluunniit saqqummiunneqassaaq.

**§ 43.** § 42 naapertorlugu maalaarutaasoq Tarnimikkut Nappaatillit Maalaarutaannik Aalajangiisartunut saqqummiunneqarpat, allattugaatit suliamut tunngassutilit, pingitsaaliilluni iliuutsinut nalunaarsuvimmi nalunaarsukkat assilineqarnerat Dronning Ingridillu Napparsimavissuani tarnimikkut nappaatilinnut immikkoortortaqarfimmi nakorsaanerup oqaaseqaataa ilanngullugit, Peqqissutsimut Pitsaaliuinermullu Aqutsisoqarfiup nassutiissavai. Tamatuma saniatigut Aalajangiisartoqatigiit paasissutissat allat pissarsiariniarnissaat namminneq isumagissavaat kiisalu oqaaseqaatinik assigisaannillu allanik pissarsiarnissaq aalajangiivigissallugu.

*Imm. 2.* Napparsimasup siunnersortaatalu oqaaseqarnikkut imal. qarasaasiaq atorlugu attaveqatigiinnikkut maalaarummik saqqummiussinissaq pisinnaatitaaffigaat. Immikkut pisoqartillugu, napparsimasup peqqissusaata sulialluunniit Aalajangiisartunit ingerlanneqarnissa eqqarsaatigalugu pisariaqrarluunnarpas, napparsimasup tamakkiisumik ilaannakortumilluunniit isumaqtigieniarnerni peqataannginnissa alajangiivigisinjaavaat.

*Imm. 3.* Pinngitsaaliisummik iliuuseqarfingineqarneq pillugu maalaarutit § 39, imm. 3 naapertorlugu, Tarnimikkut Nappaatillit Maalaarutaannik Aalajangiisartut naliliinissaasa tungaannut pinngitsaaliisummik iliuuseqarnissap kinguartinneqarsinnaasut, maalaarutip tiguneraniit ullut arfineq marluk qaangiutsinnagit Tarnimikkut Nappaatillit Maalaarutaannik Aalajangiisartut aalajangiivigissavaat. Maalaarutit allat Tarnimikkut Nappaatillit Maalaarutaannik Aalajangiisartut sapinngisamik piaernerpaamik aalajangiivigisavaat. Maalaarutip tiguneraniit ullut 14-it qaangiunneranni aalajangiisoqarsimanngippat, Aalajangiisartut tamatumunnga patsisaasumik qaqugulu aalajangiisoqarnissaata naatsorsuutigineqarnera pillugit, napparsimasoq siunnersortaalu ilisimatissavaat.

*Imm.4.* Tarnimikkut Nappaatillit Maalaarutaannik Aalajangiisartut suleriaasissaannik Naalakkersuisut aalajangersaassapput.

**§ 44.** Napparsimasup siunnersortaataluunniit noqqaassuteqarneragut, pinngitsaaliisummik unitsitaaneq, pinngitsaaliisummik tigummigallagassangortitsineq, uninngavimmut utinngitsoortumik pinngitsaaliisummik utertitsineq, pinngitsaaliisummik katsorsaaneq, § 17 naapertorlugu angerlartitaareersumik pinngitsaaliisummik malittarininnineq, nukersorfiginninneq, napparsimasoq illersorniarlugu pinngitsaaliisummik aalaakkiiineq, nal. ak. 24-it sinnerlugit ataannartumik immikkut nakkutiliineq, matunillu parnaarsineq pillugit aalajangikkat, Kalaallit Nunaanni eqqartuussisaaseq pillugu inatsimmi kapitali 28-mi

maleruagassat naapertorlugit, Tarnimikkut Nappaatillit Malaarutaannik Aalajangiisartut aalajangiussatik eqqartuussivimmun tunniutissavaat.

*Imm. 2.* Tarnimikkut Nappaatillit Maalaarutaannik Aalajangiisartut napparsimasup nammineersinnaajunnaarsinneqarnissaa akuersissutigippassuk, aalajangiinermiit qaammatit marluk qaangiunneranni aatsaat angerlartitaasinhaanermut apeqqut Tarnimikkut Nappaatillit Maalaarutaannik Aalajangiisartuni aalajangiivigisassanngorteqqinnejarsinnaavoq.

Nammineersinnaajunnaarsitsinerup inatsisinut naapertuuttuunera pillugu apeqqut, imm. 1 naapertorlugu eqqartuussivikkut aalajangiivigisassanngortinnejarsimappat, killiliussaq eqqartuussiviup aalajangiineraniit naatsorsorneqassaaq.

*Imm. 3.* Tarnimikkut Nappaatillit Maalaarutaannik Aalajangiisartut § 17 naapertorlugu angerlartitaanermut atatillugu pinngitsaaliisummik malittarinninnissaq akuersissutigippassuk, angerlartitaanermut atatillugu pinngitsaaliisummik malittarineqarnerup sivitsorneqarneri tamaasa, aalajangiivigisassanngorteqqinnissaa noqqaassutaasinnaavoq.

## Kapitali 12

*Atuutilersitsineq, ikaarsaarnermut atatillugu aalajangersakkat assigisaallu*

**§ 45.** Inatsit juulip aallaqqaataani 2013 atuutilersinneqassaaq tamatumalu kingorna aalajangikanut atuutsinneqassalluni.

*Imm. 2.* Tamatuma nassatarisaanik tarnimikkut nappaatillit napparsimavimmi uninnganerat pillugu inatsit nr. 118 apriilip 13-ani 1938-imeersoq atorunnaarsinneqassaaq.

Namminersorlutik Oqartussat ulloq : \_\_\_\_\_

Kuupik Kleist